

समां - 12:25 hrs.

<><><><><><><><><><><><><><><>

LG- JK Peace

उपराज्यपाल मनोज सिन्हा होरें आखेया ऐ जे जम्मू-कश्मीर गी रमानदार-उन्नत ते खुशहाल बनाने लेई पिच्छले 5एं बरे दौरान केंई बड्डे जतन कीते ते बलिदान दिते गेन ते समाज दे हर वर्ग दे हर इक व्यक्ति दा एह फर्ज बनदा ऐ जे ओ उ'नें ताकतें खलाफ इक-जुट होइयै खड़ोई जा- जेहड़ियां इत्थू दी रमानदारी च खलल पाना चाहंदियां न। “जम्मू-कश्मीर च रमानदारी, लोक ते संभावनां” विषय पर आयोजित इक राष्ट्रीय विचारगोष्ठी च अपने विचार रखदे होई एल.जी होरें जम्मू-कश्मीर दे नमें नजरिए बारे बी गल्ल कीती-जेहड़ा रमानदारी-खुशहाली-निडरता ते इक-जुटता पर आधारित ऐ ते जेहदे च हर इक नागरिक सशक्त ऐ ते भारत दी प्रगति कोला प्रभावत ऐ।

<><><><><><><><><><><><><><><>

Bihar Guv-Kmr Crown

बिहार दे गवर्नर आरिफ मोहम्मद खान होरें कल आखेया जे कश्मीर- भारत दे सिरै दा ताज ऐ ते आदिकाल थमां गै ज्ञान ते बुद्धिमता दा केन्द्र रेहा ऐ। श्रीनगर दे शेर-ए-कश्मीर अंतराष्ट्रीय कांफ्रेस सेंटर च इक कार्यक्रम च शिरकत करने दे बाद मीडिया कन्नै गल्ल करदे होई खान होरें आखेया जे उन्दे दिलै च कश्मीर इक चेची थाहर रक्खदा ऐ- उनें आखेया जे एह गल्ल में कुसै गी खुश करने लेई जा रस्मी तौरा पर नेंई आक्खा करदा- में

सच्चें इस गल्लै कन्नै मुत्तफिक हां- ते वाकई इस गल्लै गी मन्नना जे कश्मीर स्हाड़े
मुल्खें दे सिरै दा ताज ऐ ते एहदे च कुसै चाल्ली दे शक दी कोई गुंजैश नई ऐ।

<><><><><><>

Rana Devp. Review

जल शक्ति मंत्री जावेद राणा होरें राजौरी जिले च जारी विकास कम्में ते चेचा करिये पानी
सप्लाई स्कीमें दी प्रगति- रफ्तार ते उपलब्धियें दी व्यापक समीक्षा करने लेई कल इक
बैठक दी अध्यक्षता कीती। बैठक दौरान राणा होरें जल जीवन मिशन-केपैक्स बजट ते
नाबार्ड दी मदद कन्नै तोड़ चाढ़ी जार'दियें परियोजनाएं दे कम्मै च तेजी आहन्ने पर जोर
दिता। उ'नें आखेया जे इनें परियोजनाएं तैहत जारी हर इक कम्मै गी मित्थे गेदे समें दे
अंदर-अंदर मुकम्मल करना यकीनी बनाया जा- तां जे “हर घर जल” आहली पैहल तैहत
हर इक घरै तगर नकलें राएं पानी आहला साफ पानी जकीनी तौरा पर पुज्जी सकै।

<><><><><><>

Jammu- Srinagar Rail

उत्तरी रेलवै नै जम्मू डिविजन च विकास कारवाइयें ते पुर्नविकास दे कम्में च मती तेजी
आंदी ऐ, तां जे जम्मू ते श्रीनगर बश्कार सिददा रेल सम्पर्क बनी सकै। आकाशवाणी दे
जम्मू संवाददाता नै जानकारी दिती ऐ जे ओ रेल गड्डियां जेहड़ियां एल्लै छड़ा कटड़ा ते
श्रीनगर बश्कार चलै कर'दियां न, ओ हून तौले गै जम्मू रेलवे स्टेशन थमां चलना शुरु

होई जाहंगन। रेलवे दे इक सीनियर अफसर नै जानकारी दिती ऐ कि श्रीनगर ते जम्मू बशकार सिद्धा रेल-सम्पर्क जकीनी बनाने लेई सोच-विचार चलै करदा ऐ।

<><><><><><>

LG- Book Release

उपराज्यपाल मनोज सिन्हा होरें राजभवन जम्मू च पदमश्री डाक्टर जितेन्द्र उधमपुरी हुंदियां-ऊर्दू शायरी दिएं दंऊ कताबें दा विमोचन कीता- जिंदे च इक ऐ- “धूप -छांव” ते दुई “में तनहाई में सोचना हूँ”। डाक्टर जितेन्द्र उधमपुरी, हिंदी-ऊर्दू-डोगरी-पंजाबी ते अंग्रेजी भाषा च बी लिखदे न ते अपने लेखन दे विशेष अंदाज लेई बड़े लोकप्रिय न। एल.जी होरें डाक्टर उधमपुरी हुंदी- साहित्य दे क्षेत्र च उन्दे योगदान लेई सराहना कीती ते भविक्ख लेई शुभकामनां दितियां।

<><><><><><>

Yogasana Sports

“माई यूथ- माई प्राइड” अभियान दे बैनर हेठ श्रीनगर दे पोलो ग्राउंड आहले इन्डोर स्पोर्ट्स हॉल च 6मीं जम्मू-कश्मीर योगास्न स्पोर्ट्स चैंपियनशिप शुरु होई- जेहदे च सब- जूनियर, जूनियर ते सीनियर स्तर दे खड्गारी हिस्सा लैरदे न। जम्मू-कश्मीर दे योगासन स्पोर्ट्स एसोसिएशन आसेआ आयोजित एह प्रतियोगिता औंदी 7 नवम्बर तोड़ी चलोग। इस प्रतियोगिता दे दरान महाराष्ट्र च होने आहली राश्ट्री स्तर दी प्रतियोगिता च जम्मू-कश्मीर

दी नुमाइंदगी करने आहले जागतें ते कुड़िएं दी सब-जूनियर श्रेणी लेई ट्रॉयल बी आयोजित कीते जाडन।

<><><><><><>

Weather

जम्मू-कश्मीर दे बक्ख-बक्ख इलाकें च हलके कोला दरमेयाने दर्जे दी बरखा ते किश उप्परलिए धारें पर बर्फबारी दे बाद मकामी मौसम विभाग नै अज्ज कोला लेइयै 16 नवम्बर तोड़ी लगभग पूरे जम्मू-कश्मीर च मौसम आम तौरा पर खुशक रौहने दी पेशगोई कीती ऐ। आकाशवाणी दे जम्मू संवाददाता नै दस्सेया ऐ जे अज्ज कोला लेइयै 19 नवम्बर तोड़ी मौसम आम तौरा पर खुशक रौहने दी भविक्खवाणी मगरा केन्द्र शास्त प्रदेश दे करसानें दना राहत महसूस कीती ऐ कीजे हून उनेंगी फसलें दी बाहड्डी ते होरनें कम्मैं गी लेइयै कोई चिंता नैई ऐ ते ओ अपनियां गतिविधियां जारी रखी सकदे न। मौसम विभाग नै 17 ते 18 तरीक गी मौसम इक बारी परतियै बदलोखड़ा रौहने दे आसार दस्से न पर कुसे भारी बरखा जा बर्फबारी दी कोई संभावना नैई ऐ।

<><><><><><>

Babbar Valley

बॉलीवुड दे वरिष्ठ अदाकार ते सियासतदान राज बब्बर होरें आखेआ ऐ जे उ'नें कदे बी कश्मीर घाटी च अपने आपै गी असुरक्षित मैहसूस नेई कीता ऐ। कश्मीर गी हिरख-प्रेम, शांति ते निगग दी धरती करार दिंदे होई उ'नें आखेआ जे घाटी ने उ'दी फिल्मी करियर गी इक नमीं दिशा देने च बड़ी महत्वै आहली भूमिका निभाई दी ऐ। मशहूर सैलानी थाहर गुलमर्ग दे अपने दौरे दरान पत्रकारें कन्नै गल्ल करदे होई राज बब्बर होरें आखेआ जे उ'दी फिल्मी जातरा च कश्मीर दी भूमिका बड़ी महत्वपूर्ण रेई दी ऐ

<><><><><><>